

EXTRAIT  
De la genealogie



DE HUGVES, SUR-  
nommé Capet, Roy de France:  
& des derniers successeurs  
de la race de Charles-  
magne en France.



A PARIS,

Par Mamert Patisson Imprimeur du Roy.

M. D. XCIII.



EXTRAIT  
D'Épistémologie

DE LA MANIÈRE  
DONT ON DOIT  
PROCÉDER EN  
TOUTES LES  
SCIENTES



PAR  
M. DE LA ROCHE  
ET  
M. DE LA ROCHE



## AVROR.

**S**IRE, Ne pouuant supporter patiemment l'impudente & mensongere iniure d'aucuns Eseruains, tant pour la reuerence que ie doy à vostre Maiesté, comme son bon & tres-fidele sujet, que pour l'affectiō que ie porte à la verité : J'ay recueilli ce brief extraict de ce que j'ay souuenance auoir leu en Reginon, Sigebert, & leurs continuateurs, Auentin, Guitard, Floart, Aimon, le recueil des Pontifes de Rheims, Vuirichind l'historien, la genealogie de Saxe, & quelques autres fragmens des vieilles histoires Germaniques

& François, par lesquels, sans soupçon d'aucune feinte, se descouure, comme veritablement Hugues Capet est descendu de pere & de mere de la race des deux freres Carloman & Charlemagne, Rois de France. Toutefois ie ne me suis espanché en la description des Rois vos predecesseurs, pource qu'en cest extraict mon intention ne tend qu'à mon-  
 strer la race de Hugues, & que ceste matiere requiert vn œuure tout entier, & histoire estendue, telle que vos Historiographes ont, ou doiuent auoir fait diligemment, à l'honneur de la France, & conseruation de la verité, de laquelle tous les vertueux lettrez, doiuent estre curieux de faire part à la posterité.

Carloman mourut l'an 771. laissant à son frere Charlemagne la part qu'il tenoit du Royaume de France,

La veufue dudiect Carloman se retira  
 avec ses fils vers Didier Roy d'Italie:  
 & vne sienne fille nommee Berte,  
 encore ieune, demeura avec les en-  
 fans de Charlemagne.

L'an 783. Charlemagne fit la guer-  
 re à Widichind ou Wintichind,  
 Roy ou Duc des Saxons ( en celle  
 prouince qui est entre les riuieres de  
 Visurge & Albis, où sont Frise, Lu-  
 embourg & Brunfuuich, & la haute  
 ou ancienne Saxe) & gaigna vne ba-  
 raille, de laquelle ledit Widichind  
 se sauua en Normandie.

L'an 785. la guerre de Saxe recom-  
 mença, qui print fin par vne paix  
 traitee avec Widichind & Abbion  
 ou Albion, moyennāt laquelle Ber-  
 te, fille de Carloman & niepce de  
 Charlemagne fust dōnee en maria-  
 ge à Widichind. Cest Abbion com-  
 mandoit aux terres d'Anhalt & au-  
 tres voisines.

L'an 813. Charlemagne mourut âgé de soixante & douze ans, & laissa Loys son fils Roy & Empereur.

L'an 830. Loys Roy de France, fut secouru par Robert Saxon, fils de Widichind, en la guerre ciuile qu'il soustint contre ses enfans, Lotaire, Loys & Charles.

L'an 840. Loys mourut, & Lotaire son fils print la Couronne.

L'an 855. Lotaire mourut, & laissa la Couronne à Charles.

L'an 860. Charles, surnommé le Chauue, fut secouru en la guerre qu'il eut contre les Bretons, par le fils de Robert Saxon, nommé Witichind, accompagné d'un sien fils nommé Robert. Ce mesme an le Roy Charles donna à Witichind le Comté d'Angers.

L'an 861. le Roy Charles ordonna Robert, fils de Widichind, ge-

neral de son armee, en la guerre qu'il eut contre les Normans & Bretons: & luy donna en tiltre de Duché, au Parlement qu'il tint à Compiègne, les terres qui sont entre Loire & la Seine.

L'an 867. Robert (surnommé le vaillant Marquis de France) fut tué avec Ranulphe Duc d'Aquitaine, à l'entree d'une Eglise, poursuivant la victoire d'une bataille gaignee contre les Normans: & laissa deux fils: l'un nommé Eude, ou Odo, ou Otho: & l'autre Robert, qui, pour leur bas âge ne furent Ducs, au lieu de leur pere. Mais fut donné ce Duché (qui me semble signifier comme gouvernement) en garde à l'Abbé Hugues, homme d'honneur, vertueux & vaillant.

L'an 882. les Normans assiegerent Paris, d'où Eude estoit Comte, & du-

rant le siege commanda à l'armee du Roy.

L'an 887. l'Abbé Hugues mourut, & Eude entra au Duché de son pere Robert. Il estoit de rare & singuliere beauté, & vaillant extremement: parquoy il fut honoré de l'administration du Royaume comme Regent, durant la minorité de Charles le Simple, fils de Loys le Begue. Reginon escrit que ledit Eude fut esleu Roy. Aimon (ce me semble) dit que ce fut contre sa volonté.

L'an 892. Charles le Simple entra en l'administration de son Royaume, non sans quelque mescontentement d'Eude, qui auoit porté le tiltre & fait office de Roy: mais apres quelques guerres demenees entre eux deux, Eude mourut, laissant son frere Robert Comte de Paris, Gouverneur ou Duc de France, & le tiltre de



tre de Roy demeura paisible à Charles le Simple.

L'an 921. Robert fut appelé à la Couronne, & esleu Roy, pour quelque mauuaise opinion que les François prindrent du Roy Charles: mais l'an suiuant ledit Robert (laissant vn fils nommé Hugues, & vne fille mariee à Raoul ou Rodulphe, Roy de Bourgongne) fut tué par le Roy Charles, en vne bataille donnee apres de Soissons.

L'an 936. Louys, fils de Charles le Simple (en abience duquel, Raoul de Bourgongne auoit esté Roy) fut rappelé d'Hybernie, où il s'estoit retiré comme fugitif du Royaume de France, duquel il recouura la Couronne, viuant en soupçon & deffiance de Hugues, qui auoit vne merueilleuse autorité & credit entre les François, mesmes qu'il estoit appuyé.

d'une grande alliance: car il auoit espousé Hauuide, fille de l'Empereur Othon premier, sœur de Gerberge, femme dudit Roy Louys.

L'an 954. Louys mourut, laissant Lotaire Roy, & Charles Duc de Lorraine, ses enfans.

L'an 956. Hugues mourut, laissant de sa femme Hauuide trois enfans, à sçauoir, Hugues surnommé Capet, Othon & Henry. Lotaire vescu paisiblement avec lesdits trois enfans de Hugues, ses cousins germains, estant Hugues Capet Duc de France, & Comte de Paris & de Poictou. Et Othon espousa la fille du Roy de Bourgongne, & succeda à ce Royaume apres la mort de son beau-pere.

Lotaire en fin fauorisant trop les Allemans, & portant trop de respect à l'Empereur Othon second, offensa les François, & aliena tant leur cœur

& obeissante volonté, qu'après sa mort, qui fut l'an 986. & celle de Louys son fils qui ne regna qu'un an, Hugues surnommé Capet, par un commun consentement des François (qui craignoient d'entrer sous le ioug des Allemans) parvint à la Couronne, comme le plus grand Prince, le plus riche, & mieux allié qui fust en France: descendant de Carloman du costé de son pere, & de Charlemagne du costé de sa mere.



b ij

*Généalogie de Hugues Capet  
du costé de son pere.*

Vuidichind premier Roy des Saxons, espousa Berte, fille de Carloman.

Robert premier fils de Vuidichind.

Vuidichind deuxieme, fils de Robert premier.

Robert deuxieme, fils de Vuidichind deuxieme.

Eude ou Otho premier, & Robert troisieme, enfans de Robert deuxieme.

Hugues premier fils de Robert troisieme.

Hugues second, surnommé Capet, fils de Hugues premier, & de Hauuide, fille de l'Empereur Othon premier.

*Généalogie de Hugues Capet  
du costé de sa mere.*

Charlemagne.

Louys Debonnaire, fils de Charlemagne.

Louys, Roy de Germanie, fils de Louys Debonnaire.

Carloman, Roy de Bauiere, fils de Louys Roy de Germanie.

Arnoud Empereur, fils de Carlomá.

Luccarde, fille d'Arnould, femme d'Othon.

Henry Empereur, surnommé le Fauconnier, fils d'Othon & de Luccarde.

Othon premier, Empereur, fils de Henry.

Hauuide, fille d'Othon premier, & femme de Hugues.

Hugues Capet, fils de Hugues & de Hauuide.

C'est, SIRE, ce que j'ay sommairement recueilly des Historiographes anciens : desquels aucuns vivoient du temps que les affaires dont ils escriuent se demesloient en France : & les autres ont escrit bien tost apres, sur les vrais memoires de leurs predecesseurs non passionnez. Tellement, qu'il est tres-veritable & certain, que rapportant les annees depuis Widichind premier, qui espousa Berte, fille de Carloman, l'an 785. iusques à ceste annee 1588. la tres-illustre race de Hugues Capet, est allice à la Royale maison de Charlemagne il y a presque huit cens ans. Et que plus de deux cens avant que ceste Couronne luy fust seurement cōfirmee, ses nobles ayeulx estoient grands Princes, Rois ou Ducs des Saxons, par le tesmoignage de ces histoires que j'ay leuës. Desquelles

le langage non polynnyembelly de quelque curieuse elegance, n'est toutesfois moins propre pour tesmoigner la bonne simplicité de leurs siècles, & la pure & candide affection de laquelle la verité a esté religieusement aimée & suivie par les escriuains de ce temps-là. Aussi est-ce à tels Historiographes qu'il faut prester ferme creance : & non à ceux qui transportez par affection mercenaire, ou fauorable, feignent parmi les tenebres des temps moins esclairez de sçauans ou diligens escriuains, & desguisent ce que bon leur semble, à l'honneur ou au blasme de quileur est ou agreable ou non.

**I**E n'auois pensé, recueillant l'extraict de la genealogie de Hugues Capet, deuoir passer outre en la recherche de la race des successeurs de

Charlemagne : Toutesfois m'estant apperceu que quelqu'un maintenoit qu'il restoit encores des successeurs en ligne masculine de Charles Duc de Lorraine ( qui estoit frere de Lotaire Roy de France, & oncle de Loys, apres la mort duquel Hugues, surnomé Capet, print la Couronne de ce Royaume ) & que sous ceste deduction de lignee aucuns se vantoyent de tirer leur origine de Charlemagne, lequel ils recognoissoient pour source de leur race: prenants par ceste raison vn coloré pretexte, de concevoir quelque desir & se figurer vn imaginaire droit à ceste Couronne, l'estime pouuoir faire chose agreable à V. M. de leuer ce scrupule de l'entendement de ceux qui sont moins exercez à la lecture des Histoires de France, & monstrier de quelle duree fut la race de Charles: &



les: & en combien de differentes  
maisons le Duché de Lorraine est  
tombé en moins de 120. ans seule-  
ment, depuis le temps que premiere-  
ment il en fut possesseur.

Charles, frere de Lotaire Roy de  
France, l'an 977. accepta comme vn  
don de l'Empereur Othon 2. le Du- *Carlo-*  
ché de Lorraine: combien qu'il fust *vinges.*  
pretendu & querelé estre des appar-  
tenances de la Couronne de France,  
dont les François receurent grand  
mescontentement: mesmes l'an 980.  
que Lotaire en quitta son droit à  
l'Empereur: d'où print source le des-  
dain qui esmeut les François de refu-  
ser Charles Duc de Lorraine, apres la  
mort du Roy Loys, fils de Lotaire, &  
recevoir Hugues Capet, cousin ger-  
main dudit Charles, pour Roy.

Charles Duc de Lorraine, mou-  
rut l'an 991. auquel Othon son fils

succeda au Duché de Lorraine.

Othon Duc de Lorraine, le dernier de la race masculine de Charlemagne, mourut sans enfans l'an 1005. & l'Empereur Henry 2. donna le Duché de Lorraine au Comte Godefroy, fils de Godefroy d'Ardenne.

*Arden-*  
*ne.* Aucuns le surnomment Ardennensis, & les autres Arduennensis. Il est donc euident que le Duché de Lorraine entre ici en vne autre race que celle de Charles, finie en Othon.

Godefroy d'Ardenne mourut l'an 1019. auquel Gozzelo, ou Gothelo son frere, succeda au Duché de Lorraine.

L'an 1033. l'Empereur Conrard donna à Gothelo le païs qui est autour de Moselle, par la mort du Duc Frideric, mort sans enfans.

Gothelo Duc de Lorraine, mourut l'an 1044. laissant vn fils nommé

Godefroy, qui se fit rebelle contre l'Empereur Henry, & refusa le Duché de Lorraine, pource que l'Empereur en auoit desmembré le païs sur Moselle, pour en pouruoir vn Duc nommé Albert.

Godefroy, fils de Gothelo, opiniastre en sa rebellion, tua le Duc Albert l'an 1048. Alors l'Empereur departit ses terres en deux, donnant celles qui sont autour de Moselle, à Gerard ou Eberhard d'Alsatie. Et l'autre part de la Lorraine fust donnée à Frideric, oncle de Baudouin Comte de Flandre, l'an 1055.

Frideric mourut l'an 1065. & son Duché fust donné à Gerard d'Alsatie.

Godefroy, fils de Gothelo, mourut l'an 1070. laissant vn fils nommé Godefroy (surnommé le Bossu pour l'imperfection de sa taille) & vne fil-

le nommee Ida ou Itta, marice à Eustache de Bologne.

*Bologne.*

Godefroy de Bologne ou de Boullon, fils d'Eustache de Bologne, & d'Ida ou Itta, sœur de Godefroy le Bossu, fut Duc de Lorraine l'an 1089. ainsi le Duché de Lorraine sortit de la race masculine de ceux d'Ardenne, & entra en la race de Bologne ou Boullon.

Godefroy de Bologne alla au voyage de la guerre sainte l'an 1096. ou 1098. avec Eustache & Baudouin ses freres.

Godefroy de Bologne par vn commun consentement des chefs de l'armée fut esleu Roy de Hierusalem, & mourut l'an 1101. auquel Baudouin son frere succeda au Royaume. Et l'Empereur Henry 4. donna le Duché de Lorraine à Hainric, ou Henry de Lemburg ou Limburg, pour

*Lemburg.*

le retirer de la rebellion & le contenir en son obeissance. Ainsi le Duché de Lorraine sortit de la maison de Bologne, & entra en celle de Lemburg.

L'Empereur Henry 5. fils de Henry 4. despouilla Hainric de Lemburg l'an 1106. du Duché de Lorraine, & le donna à Godefroy Comte de Louvain.

*Lou-  
vain.*

Ainsi il appert que la race masculine de Charlemagne finit il y a 573. ans, en Othon Duc de Lorraine, l'an 1005. qui fust le neuvieme du regne de Robert, fils de Hugues Capet, & que le Duché de Lorraine ne dura en la maison de Charles, descédu de Charlemagne, que 28. ans. Tombant en la race de ceux d'Ardenne, entre les mains desquels il demeura tant en paix qu'en querelle contre ceux d'Alsatie & Flandre, depuis l'an 1005.

iufques à l'an 1089. qui font 84. ans.

Après, ceux de Bologne en furent Ducs depuis l'an 1089. iufques à l'an 1101. c'est à dire 12. ans feulement.

Depuis, la maison de Lemburg ou Limburg, y commanda cinq ans fans plus, à ſçauoir, depuis l'an 1101. iufques à l'an 1106. que Godefroy de Louuain en fut fait Duc. Donc en moins de 120. ans ce Duché a paſſé en cinq différentes maifons, à ſçauoir, de Charlemagne, d'Ardenne, de Bologne ou Boullon, de Lemburg, & de Louuain. Je laiffe à ceux qui eſcriuent les Histoires au long, de continuer le fil de 472. ans, pour deduire la deſcente des Ducs de Lorraine, iufques à ceſte année 1588. Et me penſe eſtre acquitté de ce que j'ay promis, ayant monſtré qu'il n'y a plus perſonne de la race de Charles, frere de Lotaire: & que ce qui s'en dit